



道德經解下卷

論德章第三十八

上德不德是以有德下德不德是以無德上德無  
為而無以為下德為之而有以為上仁為之而無以  
為上義為之而有以為上禮為之而莫之應則攘臂  
而仍之故失道而後德失德而後仁失仁而後義失  
義而後禮夫禮者忠信之薄而亂之首前識者道之  
華而愚之始是以大丈夫處其厚不居其薄處其實  
不居其華故去彼取此

有物混成先天地生无名而強名者道也道得於

心可指而名謂之德德之中指其慈愛渾淪者而言謂之仁仁之中指其斷制有分別者而言謂之義義各有所宜則禮以飾之此道德仁義禮之序也道無心無為者也上德有心而無心有為而無為不自以為德去道未遠是以有德下德則有心有為去道遠矣是以無德也上德無為而無以為道自成於人也已無功也下德為之而有以為由已而成德也功歸於已也仁無分別故列諸上德義有分別故列諸下德禮以飾貌雖上禮亦啓爭之道大朴分散忠信薄矣以道德化天下者三皇也

也以仁帥天下者五帝也以義正天下者三王也忠貞而降禮文備矣五伯假仁義之名而以禮相讓者也老子之時文勝之弊極矣失義後禮此其驗也夫禮非所以為亂而乃亂之首前識非所以為愚而乃愚之始是以有道之士於忠信寧使其有餘處其厚也於文采寧使其不足不居其華也乃弭亂之道復古之本也

法本章第三十九

昔之得一者天得一以清地得一以寧神德一以靈谷得一以盈萬物得一以生侯王得一以為天下正



其致之一也天無以清將恐裂地無以寧將恐發神  
無以靈將恐歇谷無以盈將恐竭萬物無以生將恐  
滅侯王無以貞而貴高將恐蹙蹙月故貴以賤為本  
高以下為基是以侯王自謂孤寡不穀此其以賤為  
本邪非乎故致數車無車不欲碌碌如玉落落如石  
一者道也天之清地之寧神之靈谷之盈物之生  
侯王之貞皆由道以致之而道不可見也天地萬  
物苟無道以宰乎其間則清將裂矣寧將發矣靈  
將歇矣盈將竭矣生將滅矣貴高將蹙矣故清淨  
虛無者天地萬物之所以立命也道雖無形而有  
形者非此不成如合衆材成車而車之用乃其無  
處得道者守其無而已矣貴以賤為本者不自有  
其貴也高以下為基者不自有其高也碌碌如玉  
則貴不可以為賤磊磊如石則賤不可以為貴失  
其道矣非所謂致數車無車者矣何所待而行亦  
何所恃而久哉即所謂三十輻以為轂當其無有  
車之用也

去用章第四十

反者道之動弱者道之用天下萬物生於有有生於  
無



物之生也柔弱柔弱者生之本也故動當反本而用貴守柔反本而動其動也不窮守柔而用其用也不匱豈不以物生於有而有常生於无乎

同異章第四十一

上士聞道勤而行之中士聞道若存若亡下士聞道大笑之不笑不足以爲道故建言有之明道若昧進道若退夷道若類上德若谷大白若辱廣德若不足建德若偷質真若渝大方無隅大器晚成大音希聲大象無形道隱無名夫唯道善貸且成

希夷之道實超於耳目聞見之外緘藏愈密則其窺覘愈難所以下士聞道大笑之也建言以下皆與常情相反之意貸物而無所予善貸也成物而無所成善成也

道化章第四十二

道生一一生二二生三三生萬物萬物負陰而抱陽冲氣以爲和人之所惡唯孤寡不穀而王公以爲稱故物或損之而益或益之而損人之所教我亦教之強梁者不得其死吾將以爲教父

道爲一陰陽爲二道與陰陽合而爲三而陰道不成則三亦一也陰陽與道生人而道其本故

萬物雖負陰抱陽以生而必資冲氣以為和由道而生也道者冲虛和柔之物陰陽生成之理人惟致虛守柔常抱其本乃與道合而物鮮有知之故或損而益或益而損惟氣所攝而不能自主惟有道者知之故因人之所教以教人強梁者不得其死益之而損也其為教尤切故以為教父知益之為損則知損之為益而吾之教可施所謂人之所教我亦教之也凡蒲而損盈而傾皆教我者也物幼而孤老而寡死而不穀皆人之所不免以此自稱則知貴高之不足恃矣人之所教不善人者善人之資也我亦教之善人者不善人之師也

徧用章第四十三

天下之至柔馳騁天下之至堅無有人無間吾是以知無為之有益不言之教無為之益天下希及之物競於有故不矜不伐天下莫與爭我不見其有則人無可爭此所以馳騁天下而無所不入也不言之教喻以心也無為之益化以心也以無言言則人不可以言求以無為為則人不可以為及所以馳騁天下人人而人希及者以此

立戒章第四十四



名與身孰親身與貨孰多得與亡孰病甚愛必大費  
多藏必厚亡知足不辱知止不殆可以長久

聖人之行以盡分分足而止矣不為名也其取以  
安身身安而止矣不為貨也然則名之與身孰為  
親耶身之與貨孰為多耶既不為名又不為貨又  
何得喪之為病耶亢甚愛者逾分者也故大費多  
藏者外身者也故厚亡唯知足知止常安於道常  
顧其身則殆辱不及而可以長久矣

洪德章第四十五

大成若缺窺悅其用不弊大盈若冲其用不窮大直

若屈大巧若拙大辯若訥躁勝寒靜勝熱清靜為天  
正

大成者自成而已不求全於外也故其用不弊大  
盈者自足而已不求滿於外也故其用不窮大直  
者不矯矯故若屈大巧者不纖纖故若拙大辯者  
不喋喋故若訥彼寒而我躁則寒者必就焉彼熱  
而我靜則熱者必歸焉是吾常以清靜而為天下  
之表正也清靜者道之本體萬物之所由生不屬  
形聲不落方體非可以小成小得小巧小直小辨  
求之者也

儉欲章第四十六

天下有道却走馬以糞天下無道戎馬生於郊罪莫大於可欲禍莫大於不知足咎莫大於欲得故知足之足常足

却走馬以糞者用之耕也戎馬生於郊者用之爭也人人知足則無致罪賈禍生咎之端而走馬無所用矣今北方駕田車用馬意蓋如此

鑒遠章第四十七

不出戶知天下不窺牖見天道其出彌遠其知彌少是以聖人不行而知不見而名不為而成

人之精神斂於身則近逐於物則遠其斂愈近則其知愈大所以不待出戶而能知天下不待窺牖而能知天道也若其出彌遠則其知彌寡矣以是之故聖人所以不行也而能知之不必足有所之也不見也而能名之不必目猶所視也不為也而能成之不必身有所動也也由視聽言動而知見者有限不由視聽言動而知見者無限不由視聽言動而知見者精之謂也聖人所以貴精也

志知章第四十八

為學日益為道日損損之又損以至於無為無為而



無不為矣故取天下者常以無事及其有事不足以取天下

日益者進道也日損者忘已也道以虛無為本損之又損以至於無為者忘已之盡以復於無也道復則其孝也日益而不自知乃能無不為矣所謂損之而益也豈惟為孝為治者亦然堯舜禹以無事得之秦漢以下諸君以多事失之老子以世之孝者知為學而不知為道知益之為益而不知損之為益故其孝不足以成已而道不足以適治蓋枝葉繁則根本蹶文勝之弊大抵然也亦非欲人

離孝為道但為道而孝在其中矣

任德章第四十九

聖人無常心以百姓心為心善者吾善之不善者吾亦善之德善信者吾信之不信者吾亦信之德信聖人之在天下怵怵為天下渾其心百姓皆注其耳目聖人皆孩之

無常心者不先意以亂民之趨也民之難治常起於情竇之開而情竇之開常起於上之人先意以示民之趨向是以紛紛而不可治故善為治者淡然無欲在我者無常心而以百姓之心為心善者

善待之不善者亦善待之信者信與之不信者亦  
信與之其善民信民只是一心未嘗因民而異其  
心此之謂有常之心而善為德善信為德信以德  
而不以法如父母於孩提之童一於愛而無所分  
別也故曰怵怵為天下渾其心也

貴生章第五十

出生入死生之徒十有三死之徒十有三民之生動  
之死地亦十有三夫何故以其生之厚蓋聞善攝  
生者陸行不遇兕虎入軍不被甲兵兕無所投其角  
虎無所措其爪兵無所容其刃夫何故以其無死地

亦

人之有死生猶其有出入無有生而不死出而不  
入之理故大而元會運世小而月辰時刻皆不出  
乎十二之數而萬物消息盈虛生死出入于其間  
矣是以善攝生者知數之不可逃但深根寧極握  
固存神以待其自盡而於生一無所求其所以兕  
虎不能傷兵刃不能害者乃其淳和之極不蹈死  
地而非血肉之軀嘗存不死也故惟無以生為者  
是賢於貴生而求生之厚者乃為之死地也世有  
不明理不安數之人又於有生之外添一長生之  
說是十二之外又有一數乃為十有三也不知生



之徒有甲三則死之徒亦十有三民之生動之死地亦十有三既不能逃乎死生依舊不出乎十二之數徒自為勞而已矣此言可以惺末俗之求長生者

養德章第五十一

道生之德畜之物形之勢成之是以萬物莫不尊道而貴道德之尊德之貴夫莫之命而常自然故道生之畜之長之育之成之熟之養之覆之生而不有為而不恃長而不宰是謂玄德

道寓於氣道無名寓於氣則可名而謂之德矣如陰之德順陽之德健物資陰陽之氣以生而德寓於其中物也者所以形此德者也而道為之主則無為其本也以無為為本而勢自成矣萬物皆以無為而成是以其道尊其德貴莫之命而常自然生畜長育成熟養覆一由於道而不見其功不尸其有此淵遠之德大道之極也道之尊者尊無可尚也德之貴者貴無可尚也尊貴無可尚者以其無也德之玄者也

歸元章第五十二

天下有始以為天下母既得其母以知其子既知其

子復守其母沒身不殆塞其兌閉其門終身不勤開其兌濟其事終身不救見小曰明守柔曰強用其光復歸其明無遺身殃是謂襲常

無名天地之始有名萬物之母萬物皆自無而有則無者有之所自出故曰天下有始以為天下母知有生於無嘗守其無則生生不窮何殆之有塞兌閉門者守其無也太上無為而民自化是也開兌濟事者競於有也周末文勝而天下亂是也見小者不用明是乃明之大者守柔者不用強是乃強之大者何也以用其光復歸其明返本還源常

守其無也故韜晦而不眩露者襲常之道襲如衣之有襲常者知常之常韜襲其常即所謂知常也

益證章第五十三

使我介然有知行於大道唯施是畏大道甚夷而民好徑朝甚除田甚蕪倉甚虛服艾采芾利劓厭飲食資財有餘是謂盜誇非道哉

上有好則下趨之聖人塞兌閉聰無知無欲者正以消民之盜心也我有施則民有取聖人所施於民者惟大道而已矣徑者小道也小道者民之所易趨聖人恒務閉之返朴還淳淡然無欲生之者



有本積之者有源予之者不竭而民莫知誰之為功雖有盜心無由而興凡盜不獨盜財苟有名亦盜也朝者出政之所甚除者外可觀也田蕪則不生倉虛則不積不生則無以為積之本不積則無以為施之源行道而至於竭其本原無以與人則人無所賴而賊之者將至矣此施之所以為可畏也故修道者務其本而已矣

修觀章第五十四

善建者不拔善抱者不脫子孫祭祀不輟修之於身其德乃真修之於家其德乃餘修之於鄉其德乃長修之於國其德乃豐修之於天下其德乃普故以身觀身以家觀家以鄉觀鄉以國觀國以天下觀天下吾何以知天下之然哉以此

道者不可以形求不可以力致惟此心靜虛無欲乃可得之善建者不拔不依形而立也善抱者不脫不恃力而固也子孫祭祀不輟不以身之存亡為有亡也人能修道則其德不窮自身而家而鄉而國而天下無所不可何也以其建立抱持傳嗣皆由於心而不假於外也心不窮則道不窮而德之用豈有窮哉吾所以知天下之然者以道而知

之也

玄符章第五十五

含德之厚比於赤子毒蟲不螫猛獸不據攫鳥不搏  
骨弱筋柔而握固未知牝牡之合而峻作精之至也  
終日號而嗑不噉和之至也知和曰常知常曰明益  
生曰祥心使氣曰強物壯則老是謂不道不道早已  
萬物皆自無而有故人之生也柔弱則弱者道之  
用而反於無者道之動也守柔者莫如赤子赤子  
之禦暴不以威握固不以力峻作不以牝牡用與  
人同而獨無所待於外者由其用神而不用形用  
柔弱而不用堅強也故含德之厚比於赤子則神  
全而形精不虧形精不虧則無少無壯無老而氣  
常冲和道之全也知和者謂之常不失其初也知  
常者謂之明不眩於外也益生者謂之祥不虧其  
生則生益矣氣由心使不以氣役心則物莫之忤  
強莫大焉此皆守柔而復於無之道無少無壯無  
老常生之本反此則有壯有老去道遠矣

玄德章第五十六

知者不言言者不知塞其兌閉其門挫其銳解其紛  
和其光同其塵是謂玄同不可得而親亦不可得而



疏不可得而利亦不可得而害不可得而貴亦不可得而踐故為天下貴

知道者無容言有言則非知道者矣塞兌閉門屏聰明也挫銳解紛泯圭角也聰明不眩圭角不形以與人和光同塵是謂無所同之同玄同之道也同人於玄無可以致人之親者人雖欲親之利之貴之而不可得是乃無所不親無所不利無所不貴之道又可得而踈之害之賤之耶此道之所以為天下貴物莫得而尚之也

淳風章第五十七

以正治國以竒用兵以無事取天下吾何以知其然哉以此天下多忌諱而民彌貧人多利器國家滋昏民多技巧竒物滋起法令滋章盜賊多有故聖人云我無為而民自化我好靜而民自正我無事而民自富我無欲而民自樸

以正治國以竒用兵此理不容已者也然必以無事行之乃可以取天下無事者無庸心也言治道不可以有心為之也忌諱利器與技巧法令之多皆有心為之者也然則均是法也存乎有心無心善用與不善用而已老子之意本不欲人廢法但

不欲純任法耳

順化章第五十八

其政悶悶其民醇醇其政察察其民缺缺禍兮福之所倚福兮禍之所伏孰知其極其無正正復為奇善復為妖民之迷其日固久是以聖人方而不割廉而不剝直而不肆光而不耀

悶悶者不用智也察察則用智矣上之人用智豈不自以為正耶卒至禍福倚伏相尋於無窮者由其用智愈甚則民偽愈滋情竇一開末流無所不至而吾所謂正乃所以為奇善乃所以為妖而卒

無有正者用智之過也是以聖人方而不割廉而不剝直而不肆光而不耀正於中不眩於外不欲使民有知有欲者防末流之過也

守道章第五十九

治人事天莫如嗇夫惟嗇是謂早服早服謂之重積德重積德則無不克無不克則莫知其極莫知其極可以有國有國之母可以長久是謂深根固抵長生久視之道

人渙而難治天遠而難格而吾之精神與之流通故惟儉嗇精神可以治之事之以其根抵相連管



揖者在我也早服者俟其未散而收斂之則其德重疊積累無所不勝而莫可紀極乃可以有國矣故畜者有國之母也有國之母可以養德可以養身深根固抵長生久視之道也舍畜不事而取具儀文末矣

居位章第六十

治大國若烹小鮮以道蒞天下其鬼不神非其鬼不神其神不傷人非其神不傷人聖人亦不傷人夫兩不相傷故德交歸焉

烹小鮮者撓之則糜治大國亦猶是也清淨無為勿擾之而已此之謂以道蒞天下神者思慮知巧之謂聖人之治天下非以明民將以愚之故神藏於不用而民亦不見其思慮知巧此之謂其鬼不神不神者無所用其神也神不外見則不傷人此聖人之道治國者至於神不傷人則上下相忘於道與聖人同義上下同德故德交歸之

謙德章第六十一

大國者下流天下之交天下之牝牝常以靜勝牡以靜為下故大國以下小國則取小國小國以下大國則取大國故或下以取或下而取大國不過欲兼畜

人小國不過欲入事人夫兩者各得其所欲故大者宜為下

江納衆流處下也海復納江處愈下也聖人之治天下能使智能才美各效其用民物各得其所而已無一為焉亦猶江海之處下而兼蓄衆流也故其自稱孤寡不穀而自謂不如人皆處下之謂也然小國畏天其下人為易而大國之力可以兼畜其下人為難故大者宜為下也大者為下則人心服之與以力服人者異矣

為道章第六十二

道者萬物之奧善人之寶不善人之所保美言可以市尊行可以加人人之不善何棄之有故立天子置三公雖有拱壁以先駟馬不如坐進此道古之所以貴此道者何也不曰求以得有罪以免邪故為天下貴

道者萬物之所由生故曰奧善人寶愛之又可保護不善之人何也以其言為美言鬻諸人而人資其用行為尊行加諸人而人無不服所以無棄人而為不善人之所保也天子置三公必拱壁先駟馬以求之為道也然終是求諸人不如坐進此道



求諸已以道與在我不假外求也且凡物有求而  
不得不能免於罪者惟道則求無不得罪無不免  
所以為天下貴而古人貴之也

恩始章第六十三

為無為事無事味無味大小多少報怨以德圖難於  
其易為大於其細天下難事必作於易天下大事必  
作於細是以聖人終不為大故能成其大夫輕諾必  
寡信多易必多難是以聖人猶難之故終無難

人皆知有為之為而不知無為之為無事之事無  
味之味致虛守靜無為之為也挫銳解紛無事之

事也澹泊希夷無味之味也吾惟致力於此而不  
見乎其外則愛憎不生恩怨不立大小多少隨其  
所遇而皆道之所容德之所畜使人皆化於其道  
畜於其德凡有怨於我者皆以德報之則天下無  
難事亦無大事此之謂道難於其易為大於其細  
所以然者何也以天下難事必作於易天下大事  
必作於細吾惟於其細且易者而畜之也聖人終  
不為大為之於細也故能成其大輕諾必寡信多  
易必多難聖人不敢輕諾不敢萌易忽之心難之  
於始故終無難也所謂為無為者如此

守微章第六十四

其安易持其未兆易謀其脆易破其微易散為之於  
未有治之於未亂合抱之木生於毫末九層之臺起  
於累土千里之行始於足下為者敗之執者失之聖  
人無為故無敗無執故無失民之從事常於幾成而  
敗慎終如始則無敗事是以聖人欲不欲不貴難得  
之貨學不學復衆人之所過以輔萬物之自然而不  
敵為

凡物安則易持未兆則易謀脆則易破微則易散  
聖人為之於未有治之於未亂者乘其易持易謀  
易破易散之時而畜之也何以明之觀夫合抱之  
木不生於毫末乎方其毫末也成之亦可毀之亦  
可其成與毀惟我而已豈非易持易謀易破易散  
之時乎臺之起於累土行之始於足下其作輟進  
止之由我亦猶是也聖人之治以此而已不知此  
道者待其已壞而為之是敗之也執滯而不知為  
則失事幾之會又失之也聖人所以無敗無失者  
以其無為無執也然則聖人之無為非不為也但  
能慎終如始始終一耳蓋民之情始而儉朴終則  
侈靡是以幾成而敗惟聖人不失其初常反其本



以輔之如人之欲趨於難得吾則澹泊希夷欲衆人之所不欲人之吝過於文勝吾則見素守朴吝衆人之所不吝其慎終如始如此不過以輔萬物之自然使不至於敗且失耳而何敢為乎此所以無敗無失也

淳德章第六十五

古之善為道者非以明民將以愚之民之難治以其智多以智治國國之賊不以智治國國之福知此兩者亦楷式能知楷式是謂玄德玄德深矣遠矣與物反矣乃至於大順

古之善為道者惧其民之靡也而示之以儉防其靡之流也惧其民之偽也而示之以朴窒其偽之源也然則為治之道非以明之固將以愚之耳何也民之難治以其智多也上苟任法以防下則下巧文以避上之法法愈多而偽愈滋矣故以智治國者國之賊也不以~~智~~治國者國之福也明乎此者於治為楷式楷式者正法也於道為玄德玄德者幽深玄遠之德也民情趨於末流玄德務返其本與物相反者也如此則巧偽不萌精神不散大順之道也

後已章第六十六

五海所以能為百谷王者以其善下之故能為百谷王是以聖人欲上民必以言下之欲先民必以身後之是以聖人處上而民不重處前而民不害是以天下樂推而不厭以其不爭故天下莫能與之爭

天下之水皆歸於海天下之民皆歸於聖人何也以其能下之也聖人之言謙卑而天下必宗焉是以處上而民不重也其行儉朴而天下必從焉是以居前而民不害也蓋謙卑儉嗇返本還源聖人皆握道之根而為萬物之母母者子之所戀也其樂推而不厭以此故不爭而天下自莫能與之爭也

王寶章第六十七

天下皆謂我大似不肖夫唯大故似不肖若肖久矣其細夫我有三寶持而寶之一曰慈二曰儉三曰不敢為天下先慈故能勇儉故能廣不敢為天下先故能成器長今捨慈且勇舍儉且廣舍後且先死矣夫慈以戰則勝以守則固天將救之以慈衛之

聖人怵怵為天下渾其心大似不肖也非真不肖也大無可名故似不肖也若察察為政其細久矣



三寶者聖人之所以為大也以慈愛為心則天下  
為之保是勇從慈出也以儉嗇為心則用無所不  
充是廣從儉出也謙卑下人則人皆推戴之先從  
後出也若捨慈且勇捨儉且廣捨後且先失其本  
矣死亡之道也以此知三寶者無往而不宜人能  
慈即天之所祐助動念處便是天助處也

配天章第六十八

善為士者不武善戰者不怒善勝戰者不與善用人  
者為下是謂不爭之德是謂用人之力是謂配天古  
之極

武者血氣用事怒則已先撓亂故人可得而制惟  
得道之人血氣消融不見其武已無所恃故雖臨  
戰亦無怒心乃能應物而不為物所制此之謂不  
爭之德及其戰而勝也未嘗以已與其間至於有  
功也推以與人而不自有此之謂用人之力乃天  
道也萬物皆生於天而天不尸其功萬事皆成於  
道而道不有其德古之要極不出此矣

玄用章第六十九

用兵有言吾不敢為主而為客不敢進寸而退尺是  
謂行無行戶剛攘無臂仍無敵執無兵禍莫大於輕

敵輕敵幾喪吾寶故抗兵相加哀者勝矣  
五行之理相生相克用兵者相克之道也然相克  
乃所以相生則相生者道也而相克亦道也治亂  
人至於用兵非不得已也如主人加禮而客應之不  
得不然也用兵之道亦猶是也故曰不敢為主而  
為客然兵以求治也無求治之心而徒假威以行  
之是長亂之道也失用兵之本矣猶客以為禮也  
無為禮之實而徒假文以行之是飾偽之具也失  
為禮之本矣故用兵者務於生人無貪功好殺之  
心如客之卑避然則雖屈人之兵而非戰也故曰  
不敢進寸而退尺如此則全勝在心不假於外是  
謂行無行攘無臂仍無敵執無兵也輕敵者恃外  
恃外則失道喪吾寶矣抗兵相加則哀者勝哀者  
憂已豈有恃外之心哉

知難章第七十

吾言甚易知甚易行天下莫能知莫能行言有宗事  
有君夫唯無知是以不我知知我者希則我貴矣是  
以聖人被褐懷玉

道原於性性者人之所同故吾言甚易知甚易行  
而天下莫能知莫能行者眩鷲於外失其性也聖



人之道至靜至虛雖無所不知而未嘗有知故無  
知為言之宗事之君握其宗尊其君而不眩驚於  
外則外亦莫得而名之莫得而知之此道之極貴  
之至也人不知而道在我收歛於外而同道於天  
此之謂被褐懷玉聖人所以為得言之宗事之君  
而其言易知易行者以此

知病章第七十一

知不知上不知知病夫唯病病是以不病聖人不病  
以其病病是以不病

完其良知而外一無所知者知之上也不能完其  
良知而眩驚於外自謂有知者知之病也聖人不  
病以其病病故也

愛已章第七十二

民不畏威大威至矣無狹其所居無厭其所生夫唯  
不厭是以不厭是以聖人自知不自見自愛不自貴  
故去彼取此

為治者任威則失道任道則無所事威故能使民  
不畏威者任道之極威之大也斯道也人或以其  
近易狹之然乃民之所以安身不可狹也或以其  
淡泊厭之然乃民之所以養生不可厭也夫惟上

之人不厭淡泊則與民相忘而民亦不厭之雖有刑威無所施矣此所謂大威也古之聖人專守淳朴常處恬淡其知也自知此道而已道之外不自見也其愛也自愛此道而已道之外不自貴也不自見則能容物而足以居人不自貴則能下物而足以生人此無狹無厭之道聖人所以不用威而取此也

任為章第七十三

勇於敢則殺勇於不敢則活此兩者或利或害天之所惡孰知其故是以聖人猶難之天之道不爭而善勝不言而善應不召而自來繾然而善謀天網恢恢疎而不失

天地間一氣機之相激者也盛衰倚伏相尋於無窮然而盈者必虧謙者必益則盈乃天之所惡也常人惟氣所使於強毅果敢則行之謙柔柔弱則去之與天道相反所以與化俱徂而莫知其然惟聖人守柔致虛與天合道天之道不爭不言不召而嘗繾然聖人亦猶是也然則常人之所以異於聖人者惟其敢與不敢爾常人之所不知惟聖人為能不忽此為善用其勇者也故善勝善應善謀



莫如天道亦莫如聖人天無失物聖人無失事其理一而已

制惑章第七十四

民不畏死柰何以死懼之若使民常畏死而為奇者吾得執而殺之孰敢常有司殺者夫代司殺者是謂代大匠斲夫代大匠斲者希有不傷手矣

民同道而異稟氣之所稟有剛柔緩急之不齊而道則一也長民者無得於道而欲以刑勝之則無以服其心雖死不惧也惟聖人為能司殺猶大匠為能司斲大匠之斲也因木之理而不取成於斧

斤故噐成而已不勞聖人之刑亦順民之心而不取必於刑罰故民化而已不用道苟不足而執司殺之權是代大匠斲也希有不傷手者矣

貪損章第七十五

民之飢以其上食稅之多是以飢民之難治以其上之有為是以難治民之輕死以其求生之厚是以輕死夫唯無以生為者是賢於貴生

上之人自奉厚則民飢矣用智多則民詐矣求生厚則民有輕死者矣何也理本自然不順其理而惟生之求則侵人必多而人不能堪并其生而不

可得勢使然也得道者無求而民足何飢之有無  
為而民化何難治之有不奪人之生則人愛其生  
何輕死之有民不飢不難治不輕死相與親上而  
吾得以常保其生故惟無以生為者是乃貴生之  
道也

戒強章第七十六

人之生也柔弱其死也堅強萬物草木之生也柔脆  
其死也枯槁故堅強者死之徒柔弱者生之徒是以  
兵強則不勝木強則共強大處下柔弱處上

物愛其生人愛其情柔弱者生理也堅強枯槁生  
理盡矣故堅強者人惡之柔弱者人愛之強大者  
必戴柔弱生理存也生理在強大者必歸心能收  
其心是以常處上是以物不能勝

天道章第七十七

天之道其猶張弓乎高者抑之下者舉之有餘者損  
之不足者與之天之道損有餘而補不足人之道則  
不然損不足以奉有餘孰能有餘以奉天下唯有道  
者是以聖人為而不恃功成而不處其不欲見賢

治弓者必弓幹均平而後弓可張天之道高者抑  
之下者舉之高下平也有余者損之不足者益之



多寡均也盈虛消息常使其均平是以可張可弛  
而不至於偏故曰猶張弓也人之道常趨於一偏  
盈滿之心勝則謙退之意衰恒自見其有余而無  
不足之心故不足者愈不足有余者愈有余張則  
不可弛弛則不可張與天道相反惟有道者恒自  
見其不足而不見其有余功蓋天下道高一世而  
歉然若無此之謂有余以奉天下而自處不足所  
以聖人為而不恃功成而不處者正以謙退自處  
不欲見其賢也

任信章第七十八

天下柔弱莫過於水而攻堅強者莫知能勝其無以  
易之弱之勝強柔之勝剛天下莫不知莫能行故聖  
人云受國之垢是謂社稷主受國之不祥是謂天下  
王正言若反

水至柔弱而以之攻堅強未有不勝者以其能容  
也能容者道也斯理也人皆知之而莫能行者動  
於氣也惟聖人為能容物不動於氣故為天下王  
大抵正言若反人未之信然至理存焉不可不察  
也以柔弱勝剛強之謂也

任契章第七十九

和大怨必有餘怨安可以為善是以聖人執左契而不責於人有德司契無德司徹天道無親常與善人  
和解大怨必有餘怨謂怨心未忘也周禮調人掌  
司萬民之難而和解之與後世盟誓詛質之類皆  
和怨之事也然取成於法不能伏其心和其外不  
能和其內非善道也道之善有施而不責其服如  
持左契而不責於人古者一札同而別之以左契  
與人而以右契責而取之執左契而不用右契有  
與而無取不倚成於法聽其自來而已故有德司  
契則不取無德司徹徹者取也以右契責而取之  
若可以必得然而民心常歸有德者可見制其外  
不若和其中蓋天道與善其理然也

獨立章第八十

小國寡民使有什伯人之器而不用使民重死而不  
遠徙雖有舟輦無所乘之雖有甲兵無所陳之使民  
復結繩而用之其其食美其服安其居樂其俗鄰國  
相望鷄狗之聲相聞民至老死不相往來  
此無為之治三皇之道也

顯質章第八十一

信言不美美言不信善者不辯辯者不善知者不博



博者不知聖人不積既以為人已愈有既以與人已  
愈多天之道利而不害聖人之道為而不爭  
信言美於中善者明辨於心知者返照博於內惟  
外一無所見故聖人於事功未嘗有積而道德之  
所被者廣矣純任道德故與天道合天之道一於  
利物聖人之道一於利人天道利物而無心何害  
之有聖人利物而無我何爭之有故凡自有其善  
自多其功者皆爭道也天道之所不與聖人之所  
不為也







